



At: Cyfarwyddwyr Gwasanaethau Cymdeithasol
Penaethiaid Gwasanaethau Plant

Cc: Prif Weithredwyr

Gorffennaf 2024

Annwyl Gydweithwyr,

LLEOLI PLENTYN O DAN 13 OED MEWN CARTREF DIOGEL I BLANT

Fel y gwyddoch, mae'n rhaid i awdurdod lleol sydd angen lleoli plentyn o dan 13 oed mewn cartref diogel i blant sicrhau cymeradwyaeth gan Weinidogion Cymru ymlaen llaw.

Mae'r sail ar gyfer y lleoliadau yma yn newid pan ddaw Deddf Gwasanaethau Cymdeithasol a Llesiant (Cymru) i rym ar 6 Ebrill. Mae'r llythyr hwn yn amlinellu:

- yr amgylchiadau pan fo rhaid sicrhau cymeradwyaeth
- y gweithdrefnau sy'n rhaid eu dilyn mewn achosion o'r fath
- manylion cyswllt y swyddogion perthnasol o Lywodraeth Cymru

Mae Rheoliad 13 o Reoliadau Plant (Llety Diogel) (Cymru) 2015 yn ei gwneud yn ofynnol i awdurdod lleol sicrhau cymeradwyaeth gan Weinidogion Cymru cyn lleoli plentyn o dan 13 oed mewn lleoliad diogel mewn cartref plant yng Nghymru. Mae hyn yn berthnasol i leoliadau yng Nghymru (yng Nghartref Diogel i Blant Hillside) a fydd yn cael eu gwneud o dan adran 119 o Ddeddf Gwasanaethau Cymdeithasol a Llesiant (Cymru) 2014, yn ogystal â lleoliadau tu allan i Gymru a fydd yn parhau i gael eu gwneud o dan adran 25 o Ddeddf Plant 1989.

Gellir dod o hyd i ganllawiau ar y broses o sicrhau cymeradwyaeth ym mhennod 7 o God Ymarfer Rhan 6 (tudalennau 133-142). Mae'r adran berthnasol o'r cod ar gael [yma](#).

Mae'r fath gais yn digwydd, fel rheol:

- pan fo plentyn â hanes o ddianc, a bod yr awdurdod lleol yn ystyried bod y plentyn yn debygol o ddianc o unrhyw enghreifftiau eraill o lety,
- pan fo'r awdurdod lleol o'r farn y byddai'r plentyn yn debygol o niweidio'i hun neu eraill pe byddai'n cael ei leoli mewn unrhyw enghreifftiau eraill o lety (adran 119 o Ddeddf Gwasanaethau Cymdeithasol a Llesiant (Cymru) 2014 / adran 25 o Ddeddf Plant 1989).

(Addasir y prawf hwn mewn perthynas â phlant sydd rhwng 12 a 16 oed sy'n cael eu cadw o dan Ddeddf yr Heddlu a Thystiolaeth Droseddol 1984. Gweler rheoliad 15 o Reoliadau 2015 / rheoliad 6 o Reoliadau 1991).

O dan God Ymarfer Rhan 6, mae'n ofynnol i awdurdodau lleol sicrhau cymeradwyaeth bellach gan Weinidogion Cymru os ydynt angen dychwelyd i'r llys er mwyn ymestyn cyfnod y lleoliad diogel, a bod y plentyn yn parhau i fod o dan 13 oed.

Cysylltiadau

Yn ystod oriau gwaith arferol, dylid cysylltu ag un o'r canlynol:

1. Alistair Davey, Dirprwy Gyfarwyddwr, Galluogi Pobl: ffon: 03000 256319 / 07501 596840, e-bost Alistair.Davey@llyw.cymru
2. Megan Colley, Head of Family Justice: ffon: 03000 252123, e-bost Megan.Colley002@gov.wales

Bydd gofyn ichi ddarparu'r wybodaeth sydd wedi'i chynnwys yn y cod a byddwn yn cysylltu ag Arolygiaeth Gofal Cymru (AGC) er mwyn cael barn broffesiynol ynghylch yr achos cyn y gellir llunio llythyr cymeradwyaeth. Mae'n debygol y bydd AGC yn cysylltu â'r awdurdod lleol er mwyn trafod amgylchiadau'r achos.

Tu allan i oriau

Mewn amgylchiadau eithriadol pan fo angen sicrhau cymeradwyaeth mewn argyfwng, er enghraifft tu allan i oriau (17:30 i 08:30), neu yn ystod y penwythnos neu ar ŵyl y banc, cysylltwch gyda Alistair Davey ar 07501 596840.

Buaswn yn ddiolchgar pe gallech dynnu sylw'r gweithwyr perthnasol yn eich awdurdod lleol at gynnwys y llythyr hwn (gan gynnwys y canllawiau sydd yn y cod)gan na fydd llawer yn ymwybodol o'r weithdrefn hon a fydd fel arfer yn cael ei galw mewn argyfwng.

Yn gywir,



Alistair Davey MA Cymrawd Siartredig o'r CIPD
Dirprwy Gyfarwyddwr
Is-adran Galluogi Pob



BUDDSODDWYR | INVESTORS
MEWN POBL | IN PEOPLE

Parc Cathays ■ Cathays Park
Ffon ■ Tel 02920 823320
Caerdydd ■ Cardiff
Ffacs ■ Fax 02920 823924
Alistair.Davey@wales.gsi.gov.uk